



Broj: 08-06/2-14-2-1208-6/15

Dana: 01.04.2015.godine

Na osnovu člana 70. Zakona o javnim nabavkama ("Službeni glasnik BiH", br. 39/14), ministar Ministarstva unutrašnjih poslova Zeničko-dobojskog kantona, d o n o s i:

ODLUKU

o izboru najpovoljnijeg ponuđača - "PERO" d.o.o. Zenica, za "Sukcesivna nabavka materijala za opravku i održavanje zgrada (elektro, vodo, bravarski i materijal za krečenje)"

I

Prihvata se Preporuka Komisije za javnu nabavku roba, usluga i radova (u daljem tekstu - Komisija), iz Zapisnika o ocjeni ponuda broj: 08-06/2-14-2-1208-5/15 od 30.03.2015.godine, i ugovor za "Sukcesivna nabavka materijala za opravku i održavanje zgrada (elektro, vodo, bravarski i materijal za krečenje)", dodjeljuje se ponuđaču "PERO" d.o.o. Zenica sa ponudom broj: 08-06/2-14-2-1643/15 od 25.03.2015.godine, za ponuđenu cijenu od 14.790,552 KM bez PDV-a, kao najbolje ocjenjenom ponuđaču.

II

Odabrani ponuđač dužan je u roku od 5 (pet) dana od dana zaprimanja ove Odluke o izboru, na Protokol ugovornog organa dostaviti originale ili ovjerene kopije niže navedene dokumentacije, koja ne može biti starija od 3 (tri) mjeseca, računajući od momenta predaje ponude:

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

- dokaz o registraciji u relevantnom profesionalnom ili trgovačkom registru u zemlji u kojoj su osnovali firmu ili dostaviti posebnu izjavu ili referencu kojom se dokazuje da ponuđač u vrijeme predaje ponude je registrovan za predmetnu djelatnost.

Dokaz o registraciji ili izjave ne smiju biti stariji od 3 mjeseca računajući od dana početka postupka javne nabavke.

III

Ova Odluka objaviće se na web stranici ugovornog organa (www.mupzdk.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

IV

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 08-06/2-14-2-1208/15 od 04.03.2015.godine.

Javna nabavka provedena je putem konkurentskog zahtjeva za dostavu ponuda.

Procijenjena vrijednost nabavke je 20.000,00 KM bez PDV-a.

Dodatno obavještenje o nabavci broj: 488-7-1-12-3-7/15, poslano je na objavljivanje dana 04.03.2015.g., a sažetak istog objavljen je u "Službenom glasniku BiH" broj 20, dana 09.03.2015.godine.

Komisija za javnu nabavku imenovana je rješenjem broj: 08-06/2-14-2-1208-2/15 od 05.03.2015.g.

Komisija za javnu nabavku sačinila je Zapisnik sa otvaranja ponuda broj: 08-06/2-14-2-1208-4/15 od 25.03.2015.godine i Zapisnik o ocjeni ponuda broj: 08-06/2-14-2-1208-5/15 od 30.03.2015.godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda i ocjenu istih, o čemu je sačinila gore pomenute zapisnike, iz kojih je utvrđeno sljedeće:

- da se do roka određenog za dostavljanje ponuda, 5 (pet) ponuđača prijavilo na predmetno javno nadmetanje, i to ponuđači: "BRAĆA KARIĆ" d.o.o. Zenica, "MARKER" d.o.o. Zenica, "PLAN PLUS" d.o.o. Zenica, "INTER-COM" d.o.o. Zenica i "PERO" d.o.o. Zenica.

- da ponude svih prijavljenih ponuđača ispunjavaju zahtjeve ugovornog organa u formalno-pravnom, ekonomskom i tehničkom smislu, tj. da su prihvatljive za ugovorni organ.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijem za dodjelu ugovora - "najniža cijena".

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, i predmetnom Tenderskom dokumentacijom.

Uvidom u priloženu dokumentaciju, nesporno je utvrđeno da je izabrani ponuđač najbolje ocijenjen zbog najniže cijene, kako slijedi:

Naziv ponuđača	Ukupna cijena ponude bez PDV-a
"PERO" d.o.o. Zenica	14.790,552
"PLAN PLUS" d.o.o. Zenica,	16.361,40
"BRAĆA KARIĆ" d.o.o. Zenica	16.448,70
"INTER-COM" d.o.o. Zenica	18.060,00
"MARKER" d.o.o. Zenica	19.215,729 sa uračunatim popustom od 7,997%

Ponuđač "BRAĆA KARIĆ" d.o.o. Zenica dostavio je potvrdu Vanjskotrgovinske komore BiH, kojom je obuhvaćen dio roba koje su predmet nabavke, te je Komisija zbrajanjem vrijednosti za stavke na koje se predmetna potvrda odnosi, utvrdila iznos od 5.653,00 KM bez PDV-a. Imajući u vidu da je ukupna cijena ponude ovog ponuđača 16.448,70 KM bez PDV-a, procentualnim izračunavanjem konstatovano je da robe koje su porijeklom iz BiH ne čine 50% vrijednosti ponuđenih roba, te stoga na ovog ponuđača nije niti primjenjen preferencijalni tretman domaćeg.

Izabrani ponuđač je izabran primjenjujući kriterijum najniže cijene koja je ponuđena, u iznosu od 14.790,552 bez PDV-a.

Iz navedenih razloga, primjenom člana 64. stav 1. tačka b) (kriterij - najniža cijena) Zakona o javnim nabavkama, odlučeno kao u stavu I ove Odluke.

PRAVNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti pruzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 5 (pet) dana po prijemu odluke o izboru najpovoljnijeg ponuđača.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom.

Žalba se podnosi u najmanje 3 (tri) primjerka.

DOSTAVLJENO:

1. Ponuđači, 1x-
2. Sektor za podršku, 1x.-
3. Komisija za javnu nabavku roba, usluga i radova, 1x.-
4. Spis, 1x.-

MINISTAR

Hajrudin Žilić